



青山詩選卷四

姜起鈞

雲門著有樂府新編六卷

效阮公詠懷

皇穹無終極厄會在陽爻元雲蔽白晝燭火光搖搖怪  
誕獨不情芻狗多遁逃重岡無靜林僻壤無樂郊駟介  
賦清人河上徒逍遙

東園有佳樹日暮起重陰飛鳥度崇岡翩翩投其林枝  
葉一何茂栖息阻且深竟夕隨風翔懷我空好音慷慨  
發長歎何以慰素心

青山詩選卷四

一

昔聞金谷園豪侈世莫比珊瑚多交枝錦障炫異采歌  
舞美綠珠寵祿薄王愷所患在厚亡多藏徒貽悔乃悟  
顏氏巷其樂終不改

擁兵出都會駕言戍江湄鼙鼓在何許望風忽奔馳長  
江虛天塹孤山空崔巍鳥獸一時散天狼遠來飛半壁  
東南隅失路將安歸

皖江扼中流南北限千里鯨跋滄溟開潰亂從此始司  
險詎無人籌遠忘在邇溫犀與祖鞭慷慨付逝水壽命  
不自保何惜民如子日夕望屏藩蒼茫失故址

疇昔石頭城上有鳳凰臺登高懷所思撫景常低徊良  
辰忽變易春風喚不回長星落檐前畫角一何哀王謝



舊時燕雙雙林木來

隋宮春已深曦傾將欲暮流目望煙花繁華易新故游  
子褰裳去囊空不復顧杜鵑盡情嗁何處尋歸路  
有客賁然來星言過荒城北門無鎖鑰人聲如沸羹征  
馬促傷蹄鴻雁發哀鳴於時鶉火中月破天難明匪風  
激下泉商飆動危旌蒼穹一何怒高岸頽以傾貪夫殉  
其利義士逃其名驅車上西山浩歌獨傷情

劉阮愛天桃攜手訪天台王孫佩芳草奮迹出塵埃流  
美豔春華傾顧幾徘徊發言吐珠玉投合自爲媒歡愛  
若平生獻壽酌金壘玩好耳目目前猿鳥時偕來願得長  
芬芳不復爲土灰

青山詩選卷四

二

東山賂別墅淝水卻秦兵投鞭莫能濟風鶴鳴且驚古  
人不可作遠望難爲情南風久不競北鄙多死聲轉眼  
望八公草木尚縱橫

天鑒自不遠世情曷有常宋人重燕石燕民棄夜光志  
士處蒿萊充膳飽糟糠按律欲和聲聒耳多蜩螿惜無  
雙飛翼高鳴向朝陽

浮雲出遠岫蟠天而際地人生跼踏中焉用蹈不義富  
貴雖可慕轉眼忽捐棄一命不終身千金奚得志魯連  
蹈東海高風動遐思

蟋蟀初鳴秋金風又戰粟掠地多揚塵摧折無遺力禾稼未及熟樹林頓改色感此動憂思感感無終極

秋風滿荒城白日忽西頽微蟲鳴商聲悽切令人悲如何游閒子乘此利其危當路駕車來磬折挹光儀溪壑豈有極荒淫將焉知素絲悲色染亡羊泣路歧安得接喬松驂霞往蓬萊

種瓜向東陵采薇登西山古人留高風義不枉一餐寵祿付浮雲素志不可干勁草知風疾松柏知歲寒韋布可終老北門焉用歎

鴿原奮同仇誰與子偕作驚颿動地起消息一何惡赤

青山詩選卷四

三

狐跳梁立狡免助爲虐城無眾志成金乃眾口鑠豈無平生親含情而唯諾自恨乏脂膏焉能盈谿壑那復卹飢寒妻子多呼籲碩果可常懸敝廬不堪剝翹首問蒼穹正氣何落莫

處世判治亂樹立誠在人流離蔡中郎阿附非其倫文采豈不美後世譏失身君子慎素履抱道彌自珍澗底清冷石堅確何鄰鄰

長歌行

皎皎河漢月輝光三五滿人生百年中樹立甯待晚側望海漫漫何處蓬萊苑秦漢迷神仙王喬不願返名壽

欲長留何如鐘鼎篆

相逢行

相逢城東隅，轂擊交相馳。翩翩一少年，不知誰家兒。捷足據要津，裘馬自輕肥。風雷在掌握，平地成山溪。豪門素傾仰，闔戶挹容儀。堂上列玉屏，兩廂錯琉璃。筵當瑤臺琪花照，瓊枝鼎俎碼璫盤。羅具皆珍奇，鼓瑟呼趙女。壓酒出胡姬，千金爲獻壽。永好無相違，觀者盈階除。歎美自移時，高談驚四座。疇克爭光輝，但見華燈下。宴樂幾忘歸。

豔歌行

青山詩選卷四

四

庭中有天桃花開，嬌欲語。豔色不肯讓，傾城一再顧。酌言飲美酒，琴瑟猶在御。綠衣掩黃裳，見新難爲故。

君子行

耿耿範中金磊磊，澗中石言念古君子。卓然抱堅白，矯俗非避嫌。省躬在彌隙，出入慎所趨。中道立不易，任彼縱詭隨。謙光良獨得，珍重此素行。允爲後世則。

美女篇

美女重淑慎，容止宜端詳。人世慕顏色，傾願在新妝。舉頭倭墮髻，垂耳明珠璫。長袖舞羅襦，細裾輕飄颺。貯以黃金屋，棲以玳瑁牀。轉眼顏色衰，棄置等道傍。寄語彼

姝子眉眼休清揚以貌取人憐老大多自傷

塘上行

秋蘭生楚畹芬芳紉爲佩感君重香色出入垂襟帶青  
蠅忽止樊恩情中道棄昔珍爲琅玕今委如土芥憂思  
想君顏怨望恃君愛草木自變衰願言待春霽

薤露歌

齊景泣牛山公叔樂瑕邱同作薤上露生死各爲謀死  
亦必速朽生亦難久留天道有興替知命復何求

傷歌行

新秋生夜涼空閨燈不花啟戶下階除簾捲近星河月  
色初上弦半面見姮娥破鏡不肯照將無缺恨多碧海  
曠青天兔絲隔女蘿伫立誰顧問憂傷當如何

明月篇

明月滿清光情人動遐思卷幔倚瓊軒矯首望天涯天  
涯何寥闊寸心千里馳寒蟾無停影木葉隨風摧取鏡  
漫自照恐驚顏色衰

猗蘭操

猗蘭之茂王者之香乃託隱谷奚揚其芳眾草萋萋蔽  
塞當路披榛欲采日月遲暮蕢焚將落屈軼不生顧瞻  
四方將老於行

青陽

青陽宣泄羣動咸植解以雷雨徧潤爲澤句萌暢遂胎  
卵孳息于春維熙皜皜卽卽

朱明

朱明敷盛萬物常羸厥養壯佼茂對馮生于苗驅獸游  
牝別羣雩祀南郊奕奕其神

西顛

西顛陰烈厥氣嚴肅玉粒告成執短行戮鳥乃養羞民  
何不穀敬謹必飭姦邪畏服

元冥

元冥陰沍百卉具勒虹伏不見天地閉塞歲寒後彫乃  
知松柏返樸守眞兆民允殖

城傍曲

城傍古洞晝飛狐白日黯澹綠草枯居民急促向人呼  
向人呼望人擊人不出狐豎立

悲歌

天踟地踏烏白鷺黑悵望難言悲歌當泣

巴東三峽歌

巴東三峽猿聲悲咽望見黃牛行歎坐愁

秋胡行

宴安酖毒君子毋相忘宴安酖毒君子毋相忘蠶妾梯  
桑取彼遠揚男兒弧矢志在四方因循玩愒謀之不臧  
歌以勸之君子毋相忘

日邁月征無閒於行止日邁月征無閒於行止良馬素  
絲我青爾紫草莽鹿車我僕爾婢敗絮自擁何慙兒子  
歌以答之無閒於行止

子夜四時歌

春蠶多懷絲綵綵與蠶娘願得織成錦製爲公子裳  
蓮漏響欲闌蓮房風欲舞問花貌似誰含羞不肯語  
夜靜試清砧霜天月如練著色照流黃寒聲落金翦

青山詩選卷四

七

朔風吐綺窗錦衾冷如鐵寒梅數點心同歷征途雪

仲冬五日偕柳坡訪博齋於蕉軒時紫巖已在座  
卽招同晴峩芝田松泉曉山集談竟夕翌日石  
村赴會連夕暢飲誌此酬答兼憶竹園

寒雲色黯澹衝飆激林隙長河冰始凝白日慘以幽雜  
獸充路馳鳴雞飛樹頭遇蹇同在阨欲往阻且休惟念  
平生親彼此結綳繆殷勤互招至信宿猶旬留乘亂情  
益眞契闊義更周對酒不遑寐聚樂忘所憂獨怪羊城  
客十年粵東游何時復來歸躬耕相與儔

子夜夏曲

夜久四邊靜小塘蛙閣閣步檐望河漢流螢入蓮幕

幽州馬客吟

遠作幽燕客人馬同苦飢馬飢猶顧主人飢欲語誰

作蠶絲

治國如治絲養蠶勝養兒蠶老絲成繭兒貧苦無衣

蒲生行

蒲生小塘中岸然有峻節但受春風吹不受秋風折

涼州詞

天山月出照涼州城上悲笳滿戍樓莫向雁門望青海

秋風已到月支頭

青山詩選卷四

八

古怨歌

白頭吟得幾青春兔走猶然戀舊人莫比故衣不堪著

嫁時同是綺羅新

出塞曲

笳鼓遙傳出塞聲征鴻戰馬共悲鳴遼東故道遼西境

都是深閨夢裏程

竹枝詞

建安里兒愛竹枝踏歌不問路東西一聲短笛三搗鼓

唱到巴歛月欲低

姚

琨 石村著有樵雲山房詩集

感遇

幽居忽有感行思登太行晨興理車馬慷慨辭故鄉所  
志在高遠焉知道路長一朝嚴冬來愴惻歷冰霜川原  
何粟烈日色寒無光中道發長喟佇立空務程征雁飛  
南天千里獨翱翔隨風忽飄墮哀鳴繞我傍感此悵遠  
人垂涕沾衣裳

述夢

晚歸自溪口畏暑苦不眠久之寂以寐忽聞聲啾喧亡  
兒排闥入踰躑戲我前乍見心神迷恍惚驚疑兼兒生  
未行立躑躅胡能然兒生未解語言出胡便便就我北  
窗下弄我餅中蓮依依苦苦求食故故相偎憐忽云自有  
家家在南山邊牽衣欲我往道路何緜緜俯仰意若失  
輾轉心如煎家人推我起一燈澹前檐爲述夢中事兩  
兩相涕漣

秋杪偕北窗於子安齋中與柳坡芝田話舊

幽人愛邱壑結茅棲澗濱循流遠探訪繞徑煙雲生寒  
巖斂秋氣林木含餘清咫尺會面難知君澹泊倫澄懷  
傾夙好折柬招同人共此一日歡相敘平生親移榻坐  
檐隙翛然煩塵輕微雨何方來瑟瑟窗竹鳴

歸途作

川原暝色起幽壑雨聲歇人語出疏林歸雲渡巖石落  
葉聚寒煙昏昏蔽行迹不惜足力疲但覺心懷適涼風  
拂面來路轉東山側引領望翠螺離情猶脈脈

與諸子訪紫巖夜宿太和山館

落日在茅檐微風生几席斗酒歡同羣殷勤道疇昔開  
軒坐煙蘿清賞恣幽覲虛檻納溪聲平欄溢山色佳哉  
晉桃源有此安棲宅觸我遠世情起看霜月白

贈汪柳坡

驚塵蔽白日天地迷朝昏荆棘滿郊原憂思誰與論我  
友猝然來相對開清樽告言適遠方黃山山與鄰峰廻  
路險巖車行難轉輪炎飈起幽谷沙礫隨飛奔飢禽雜  
駭獸慄慄驚心魂遠行非所甘飢寒迫吾身我欲慰歡  
言氣結不能伸倦鳥思故林落葉依本根願君慎所趨  
高堂有慈親

淝水行

怪風怒吹淝水立青天無光白日匿臨風有客發悲吟  
風聲水聲雜歌泣南國自驚西海鬣豺虎亂嘯猿哀嘯  
蔓延江左復江右瞬息遍地生蒿藜楚南江公忠且智  
草茅夙具澄清志一朝仗節勢如龍戈矛盡鑄勤王字  
豫章卻敵紆奇計移軍來撫淮南地終朝守備焉能完

百姓驚呼賊兵至洶洶賊奴來城東繞城三匝環而攻  
礮轟如雷火如電殺氣慘澹橫虛空是時風鶴連江吼  
大官小官棄城走誰將柱石砥中流收拾巖疆爲君守  
嗚呼江公眞丈夫睥睨狂孽猶羣兪奈何眾寡勢不如  
危城坐困千金軀朝朝策馬趨城隅口指手畫心神俱  
積雪在髮冰在鬚淋漓戰血身模糊蜂屯蟻附聲號呼  
一木隻手徒歛歔可憐援兵近尺咫經旬不敢發一矢  
深溝高壘謀自全坐視城破江公死一死可以報

天子君不見常山罵賊顏杲卿時危身與城俱傾又不  
見余公塵戰經六祀千載馨香一池水志士從來能舍  
身成敗利鈍安足論草間拜泣獨何意愧爾低顏陷賊  
人

見雁

征雁來何地飛鳴共一行長風吹不斷秋意滿江鄉有  
客久離別音書正杳茫那堪憑北望又見汝南翔

途中雨雹

驚塵與亂葉飄忽滿征衣日色一時斂人蹤萬徑稀怪  
風驅石走急雨雜冰飛谷口茅檐近停車疾扣扉

贈柳坡

生計竟何賴途窮空自歸還將舊時業重掩故園扉暮

兩寒萱草秋風老，蕨薇知君高尚士。有淚不輕揮。

春望感懷兼憶竹園

昔日城東路，鶯花報早春。今來湖上望，不見柳條新。戰壘屯千里，悲聲動四鄰。翻欣遠遊客，穩作嶺南人。

階柳坡遊虛山洞

幽壁龍蛇走，巉巖虎豹蹲。我來春欲暮，仙去洞猶存。水滴客心冷，雲團石氣昏。君看最深處，黯黯綠苔痕。

過吳六書先生故居

斜陽散村落，流水弄鳴琴。見說吳夫子，當年臥此岑。文章千載業，著述一生心。我欲訪遺迹，蕭蕭風滿林。

青山詩選卷四

十三

送竹園之嶺南

一別動數載，相逢恨轉生。如何歸未久，鞍馬又南征。抗志功名薄，謀生去住輕。臨歧各無語，落葉正縱橫。

夏夜宿西山禪院

西山古禪院，千載綠雲中。暑夜開軒坐，清光迥不同。鐘聲半巖月，竹影萬竿風。晤對塵緣澹，長歌懷遠公。

讀杜少陵詩集

劒閣三春淚，京華萬里心。都將家國恨，并入短長吟。雁唳秋江迥，猿嘯夜月陰。清宵林下誦，風木助悲音。

柳坡遠行感賦

衣食兩無寄窮途孰可親況兼多難慮屢逼苦吟身鏡裏頭先白愁邊草不春本來生計拙莫自悔風塵

憶竹園

消息經年絕兵戈過眼頻那堪多難日常作遠遊人骨肉南荒夢烽煙故國春窮愁兼客感兩地淚沾巾

水車嶺懷李白

峭石聳嵯峨春潭蕩綠波當年李供奉登眺發狂歌遺韻已千載高人不復過我來尋勝迹落日滿巖阿

春日偕同人遊銅山

世途那可問擇地更無從聊與山中客來尋物外蹤聽

青山詩選卷四

十三

泉穿絕壑踏石度層峰古寺知何處時間隔陽鐘

夏日幽居

屏迹謝人事幽居趣不窮樓深疏竹雨門掩落花風靜悟浮生理因知造化工鳶飛與魚躍大道古今同

擬出塞曲

去年度遼水今歲出盧龍道路幾千里單于未一逢軍聲聞鼓角劍氣冷芙蓉大帥翻邀賞奇勳奏九重

擬塞下曲

千古多愁地蒼涼一望開亂雲和雪積萬馬擁風來白晝冤魂語清宵畫角哀男兒憑壯氣羞過李陵臺

早起

殘月墮未盡鄰雞猶有聲  
露光浮草白山氣逼人清  
偶向花前坐閒從竹外行  
無人共幽賞吾自適吾情

擬從軍行

投筆事戎行彎弓去故鄉  
將軍偏怯敵志士在勤王  
大野煙痕慘平沙日色黃  
不須愁道遠咫尺是遼陽

送北窗之崇川

蕭瑟不勝愁崇川我舊遊  
那堪君到日正是雁來秋  
衰草連天闊孤城傍海浮  
客懷當月夜莫上最高樓

巢燕

青山詩選卷四

七

誰識營巢燕艱辛乳哺時  
夜棲身最後朝出影嫌遲  
毛羽何嘗整飢寒不自知  
山妻情類汝憔悴鬢如絲

幽居感懷

長夏閒無事柴門晝懶開  
榴花含雨放鳥語隔窗來  
經世原無術能文豈是才  
白知樛櫟質分合老蒿萊

過琴溪時偕舍弟漁村

奇峰插天表峭壁洞門開  
與客攀藤上幽光滿綠苔  
殘碑埋歲月古竈積塵埃  
惟聽灘前水潺湲繞釣臺

亂後經維揚

殘柳倚城圍蒼涼不是春  
重來歌管地無復綺羅人  
朱

戶明狐火花田泣鬼燐徘徊那敢往前路尚烽塵

下天臺

踏徧芙蓉九九峰岡巒回首興恩恩天邊雲氣千巖雨  
杖底雷聲萬壑風古洞斜穿苔磴綠遠山低簇夕陽紅  
昨宵曾宿蓬萊頂帶得煙霞滿袖中

血影石

肯使鴟鴞入鳳林烽煙回首莽森森孤衷拌灑千秋血  
片石能堅萬古心精衛無聲青海杳蒼梧遺恨楚江深  
磯邊更有忠魂在寂寞稜冠何處尋

崇川贈曹燮卿

青山詩選卷四

五

經年烽火辭鄉國淮海相逢鬢欲斑座上衣冠傾北海  
樽前絲竹擬東山形骸放浪風塵外詩酒論交天地閒  
我亦琴書遠遊客好同車馬駐江關

秋蘭二首寄晴峨

一卷離騷百感深秋蘭花又放庭陰不隨桃李爭春豔  
暫向溪山占舊林作佩已邀名士盼凭欄如見故人心  
相交自喜忘言慣默默臨風獨整襟

寂寂幽姿不染塵疏簾香靜午陰沈孤芳自賞三秋節  
雅操誰參一曲琴插足敢羞羣穢雜託根惟愛白雲深  
如何近日披榛客只向春風隊裏尋

古劍

匣破寒芒露不收，血光隱隱逼人愁。  
憶從越銷沈後，尚有干將姓氏留。  
肝膽久無奇士寄，風霜又冷塞門秋。  
惟餘一片冲霄氣，夜夜龍吟未肯休。

老將

虬鬚懍懍髮蒼蒼，立馬河山古戰場。  
袍迹未銷諸虜血，劍光猶帶九邊霜。  
麟臺畫異童顏像，虎帳身添壽骨香。  
莫謂衰年難禦敵，眼昏偏識陣雲黃。

京口

滾滾驚輪走朔風，海門一綫路潛通。  
秦師已墮峭陵險

青山詩選卷四

十六

魏絳偏收睦狄功，旗幟影沈江月黑。  
金縉綵炫柁樓紅，原公孤憤澶淵役。  
今古遙遙感慨同。

翠峽

澗草巖花寂寂春，芒鞋踏去起香塵。  
偶來幽谷探奇勝，靜對西風黯慘神。  
能使烽煙清海宇，何妨泉石老吟身。  
一觴一詠今誰賞，輸與蘭亭作序人。

贈芝田卽題其集

中散絃琴不可聆，停杯望斷楚山青。  
誰將絕調彈秋水，難得高吟出妙齡。  
古戍雲開風獵獵，海天波起畫冥冥。  
平生亦有耽詩癖，把卷清歌月滿庭。

清徹寒聲動遠林盤空一鶴入雲深有君此道真堪幸  
於世憑誰共賞音梅嶺千戈芳訊杳黎村消息雁書沈  
明朝擬訪山棲侶準備新詩細細吟

雜感八章

癸丑八月作

無端嶺表起邊烽蝸角蚊眉穴據同曲突誰能施遠略  
大星終古惜元戎金貂已破三年斧鐵馬空嘶百戰功  
悵望南天頻灑淚秋風瑟瑟動哀鴻  
逆艦纔聞下武昌旋驚風鶴徧維揚江流穩渡波濤險  
氛祲全蠲日月光出柙已知同虎兕收吳誰更似龍驤  
捷書寂寞關河杳愁聽荒城夜漏長

青山詩選卷四

七

赤壁黃州據上游風煙漠漠洞庭秋更聞鐵騎屯江右  
坐見妖星照石頭萬井衣冠灰劫火六朝金粉付東流  
南征賴有幽燕將虎穴深探費運籌

三月煙花更莫論玉簫零落不堪聞青燐閃爍依荒塚  
殘血蒼涼賸斷裙見說熊羆來北極可曾旗鼓壯東軍  
秋風客路休回首揚子江頭日又曛

淮南狙擊最爲強蠻觸紛爭百戰場豈意西戎馳汗馬  
翻同歧路駭奔狼關門已黯旌旗色淝水猶迴組練光  
珍重羣藩通塞地連營何以固金湯

一夜烽煙逼近郊萬山猿鳥共悲號羣黎盡室無完卵

大帥勤王有寶刀，衰草遠迷江月白。愁雲寒擁郡樓高，皖江亦是鼉鼉窟。莫謂金陵戰伐勞。

當年鼙鼓動漁陽，張許蒼黃事可傷。殺賊死甘爲厲鬼，傾心生不墮封疆。誰將孤憤希前烈，肯使奇勳繼有唐。日暮最高樓上望，陣雲重疊滿江鄉。

苦雨瀟瀟冷逼秋，干戈淒絕楚江頭。攜家暫作梁鴻隱，對酒難消阮籍愁。南國生民沈陸海，天涯諸弟隔邗溝。誰能更抱澄清志，一駕長風萬里舟。

喜劉仲山見訪卽步其見贈原韻

揮扇難遮庾亮塵，南江何日見澄清。山深聊自供舒嘯，

青山詩選卷四

丈

身賤翻勞問姓名，舊雨幾番尋遠夢。

時柳坡客淮南雲門阻華西家竹園

羈粵東北窗作古曼卿幕遊未返

新詩一卷喜同聲。

蒙祐詩一卷見示

邇來莫

笑吟懷減世事，洵洵已變更。

哭家北窗

潛

苦雨摧殘玉樹春，思量何事不傷神。一家莫遂生前樂，萬念都灰病後身。空向窮途留傲骨，誰來涸轍弔枯鱗。淒涼琴榻知何所，舟麥嗟予愧古人。

去歲裁書寄遠鱗，開函猶是墨痕新。絕無擔石儲家室，賸有詩篇託故人身。世翻疑前劫事，風騷誰步後來塵。九原知爾應遺恨，頭白高堂有老親。

春光回首憶從前，庾信風流擅少年。山色當窗開畫本，  
簫聲和月散花田。醉來天地橫雙管，秋老林泉集列仙。  
今日憑軒重悵望，斷梧衰柳落寒煙。

泡影原知尚達觀，潛潛難遣淚痕乾。孤燈不照吟魂返，  
幽漏空驚曉夢殘。撒手頓教生死隔，傷心猶作別離看。  
愁懷似醒還如醉，坐對庭階月色寒。

題檀生紫荆圖

田氏荆荒歲月深，巴溪重見樹森森。託根原不分朝野，  
至性何嘗別古今。白髮生涯依梓里，春風和氣在花林。  
願攜連理枝頭種，徧散人間惡木陰。

青山詩選卷四

九

亦曾開閣挹羣巒，棗青青倚玉欄。春色平分花爛漫，  
清輝雙照月團圓。旁無箕豆相煎詠，下有壩篋迭奏歡。  
何日移栽嘉樹畔，與君同在畫中看。

之淮揚留別青山諸子

開囊重檢舊征衣，萬種離情花亂飛。春色尚留偏惜別，  
他鄉雖好不如歸。煙波淮海愁邊路，茅屋溪山畫裏扉。  
欲去不能留不得，天涯鄉國兩依依。

酬鄭晚香見寄原韻

年來名利兩忘情，敢向人間賦獨清。滿眼荆榛隨地老，  
驚心烽火徹天明。囊中賸有青檀在，鏡裏偏多白髮生。

欲向蒼蒼搔首問書空時作不平鳴

幽居感懷疊前韻

泉石聲中戰馬鳴深山無地託餘生  
炊煙漸逐浮雲散高閣空懸落日明  
靜向花前消晝永愁從詩裏咏河清  
悠悠身世今如此潦倒年來混俗情

青山詩選卷四

三

青山詩選卷五

姚

潛 北窗著有聽露軒詩草

南山訪友人不值

禪房闌幽徑水木淡孤性倚門對南山悠然發清詠風  
靜流泉細日暮深山淨之子不歸來空翠落僧磬

古詩二首

庭中有蘭蕙綠葉綴長英經時忽飄墮慷慨誰能平蕭  
蕭霜風至白露皓已盈如何浪遊子歡愛忘所親年命  
不自惜去者難重新生時勿復見永別長悲辛

日夕上河梁秋風動池藻涉水采其莖清芬浣塵抱中

青山詩選卷五

有雙鴛鴦顏色長美好念子行不歸哀鳴喻中抱感此  
傾意氣歲月忽已老引領還相望淚下沾秋草

昔昔鹽

猗嗟舊來燕雙雙鳴且翎杏花今已落遲汝空斜陽閉  
門愁見月明月上我牀開門挹春風春風吹我裳感此  
幽居況斷絕我衷腸

寄友人

獨坐忽不樂起視夜何其霜華暗搖落林木隱參差孤  
鴻排海來翩翩紫雲霓俯啄玉山禾仰棲珠樹枝所托  
在高遠虞羅安見欺慨同歧路人善者固吾師

秋杪宿西山農莊

場圃散幽曠，啟功欣初具。稚子息檐扉，歸人入煙樹。時當九月交，滿目饒真趣。飛泉縣清音，落葉下荒路。何當棄俗來，結茅澗邊住。

齋居獨坐

暗窗涼竹動，葉落不知數。寒燈未眠客，起向空階步。明河高揭天，積雨猶在樹。何事牽我懷，坐對前山霧。

貧士

空谷有窮士，高枕不憂貧。茅檐覆遲日，几席有餘春。終年饜藜藿，豈不誠艱辛。所肄諒有得，紛華無足珍。遙遙千載下，邈若葛天民。吾欲適吾志，狂歌爲比鄰。

《青山詩選卷五

二

自箴

年華如流星，奄忽不再至。顧此百年內，焉能坐相棄。往哲懋爾功，垂意何深邃。譬如旣播殖，不惰乃可冀。嗒然恣宴遊，良沃亦荒穢。所以有 myself 身，豈不貴自異。棲遲蓬茅下，謹以勤爲誌。

宿招隱寺北禪院示錫佳上人

寒巖噴清氣，萬籟時復警。秉燭坐荒齋，不知秋夜永。涼飈動林薄，冷月照空靜。只此幽巖棲，可入招提境。

曉起寄南山諸友

曉來天宇清微雨洗巖蓐獨自倚前楹林花競新矚蟬  
依深樹響鳥下寒塘浴愧彼鷹隼姿胡爲自根觸

舟中觀日出

倦遊暮春候歸舟信清風夜宿白溝頭曉出江濤中旋  
見碧天際一綫搖波紅遲遲展輕日高挂扶桑東

彭蠡遇風

江風吹白沙瑟瑟迷行旅疊浪拍長空危檣向何許悠  
悠紅日晚杳杳層雲佖倏爾四邊開一燈出孤嶼

登白嶽山緣石驚塢溪行至忠烈巖轉升天門憩

碧蓮池

青山詩選卷五

三

循流信輕策林木資幽風徑轉長巖頭路與天門通澄  
潭瀉清影飛閣嵌虛空邈焉躡遐思命駕隨雲鴻

與諸子宿太和山館

高樓招遠風几席凝芳靄羣談竟朝夕相對塵囂外不  
知從今去何時復來會澗水自年年悠然發清籟

由九華度前嶺憩閔園望天台

攀蘿陟巒嶺秀色寒蒼然適至林木外羣峰高插天甫  
見一巖上石磴遙空縣行當立雲表極目周八埏

南郊卽目寄子安芝田

齋居忽不豫出郭擴清眺遠岫生暮煙隔林明夕照棲

心寄塵迹存元得要妙舍此復何求蘇門可同調

楊林農莊

郊原無廢邱微雨稻苗長虛室蔭清輝窗几藤蘿上時  
復竹木中涼飈迭來往憩茲心跡清超然絕塵鞅

聽露軒與石村夜坐兼憶子安

邇來竟何事相對無一言前從五月中獨自還家園芟  
荷臨水映綠草當階繁如何風露交一旦歸本根  
庭昏夜氣永淒然感離索悠悠百年內心跡何寂寞不  
有道義榮厥躬奚足託虛堂發清籟茗熟時一酌

秋思

青山詩選卷五

四

玉階涼氣重清露滴梧桐之子遙天末相思滿目中殘  
荷疏夜月枯柳澹秋風黯黯情無已那堪聞塞鴻

客中送客

明月不常滿故人更遠遊十年同作客萬里獨行舟未  
解風塵苦安知離別愁淒涼揮手去落葉遍山秋

舟中對月

客有遨遊者波濤萬里舟可憐江上月不是故園秋白  
髮風塵老孤帆晝夜浮如何此時雁嘹唳楚西頭

山居晚眺

青山每獨往物色覺悠悠地僻人稀到林深風自秋白

雲衰草寺紅樹夕陽樓延伫情無際長歌孰與儔

送友人之楚

靑草湖邊寺黃陵廟外樓蒼茫今有客歸去正逢秋顧  
我雙蓬鬢憐君獨夜舟惟將一樽酒相與洗離愁

春日山房卽事

空庭新雨後草色上窗紗時與墟中叟閑來覽物華推  
簾飛燕入把酒夕陽斜醉起無餘事階前掃落花

晚泊鄂渚登黃鶴樓

鄂渚西山下蒼然落日圓我來樓上望江水欲浮天把  
酒待黃鶴臨風憶謫仙何人更吹笛聲徹暮雲邊

靑山詩選卷五

五

雉皋送三弟南還

攜手上江千秋風雁陣寒好將思母淚爲我報平安同  
是悲孤早纔知作客難從今各努力世路本漫漫

秋夜登太白樓

皓月正當頭潺湲水急流從來憑弔者獨上此江樓余  
亦乘舟客常懷秉燭遊臨軒一悵望猿嘯亂山秋

送惺園弟之廣陵

君家都在客何事更行舟況說邗江路誰堪羈望愁城  
連淮水白地接海門秋此去霜華重思親莫倚樓

翠峽

溪陁一隙地萬木氣蕭森乘興尋幽人嵐光澹客心夏  
巖晴亦雨深谷晝長陰相對意相適狂歌風滿襟

軒居秋暝

川原霽色清獨坐聞歸禽僻巷行人少空庭黃葉深晚  
涼凝宿雨空吹散秋陰薄得形全理方知無悶心

萬安道中

清秋漠漠思漫漫關塞峩行路難萬里征塵雙轍跡  
百年書劔一儒冠風傳絕壑猿聲苦月照空江雁影寒  
漂泊不堪回首望故鄉無際白雲端

野望

青山詩選卷五

六

孤城迢遞水潏洄極目川原曙色開山勢遠從平地出  
江聲直破大荒來杜陵廣廈秋風冷庾信飄蓬畫角哀  
誰爲含愁搖落後且將書劔共徘徊

古意

誰家玉笛悵絳絳吹徹關山遠戍天堂北菊辰違舊約  
嶺南書紙隔經年瑤臺夜冷霜初白碧海秋高月正圓  
欲問多愁近來雁幾回清唳立欄前

春夜旅舍喜見友人

同作他鄉客驚逢旅店春分明今夜月疑是夢相親

旅思

戍外秋風靜階前月影寒一聲天際雁獨自向南看  
冬夜寄芝田

霜風吹空庭零落湖聲小懷君夜不眠坐看階月曉

原上

平林斜日盡遠墟澹煙生古寺不知處疏鐘空際鳴

題酒家壁

亭亭畫舸青青柳渺渺長江浩浩波遊客莫辭樽酒滿

隔江風雨更愁多

山居秋夜

巖頭風靜水潺潺萬樹無聲秋欲闌山館夜深人不寐

青山詩選卷五

七

碧紗窗外月光寒

雨後溪行

曲徑苔青曉雨收偶來林下任淹留溪迴谷轉無人到

一片清泉自在流

哭友人

去年同客在江關今日飄蓬我獨還欲弔未知何處是

白雲紅樹滿秋山

月夜

井梧落盡月光寒寂寞空階孰與看寄語鄰兒漫吹笛

有人獨自倚欄杆

宮詞

平陽詔罷醮初回  
迤邐銀屏獨自開  
萬籟無聲河漢轉  
一庭涼月照宮槐

劉學欽

博齋若有種  
蕉軒詩鈔

雜感

東髮治經舍灌溉  
慙未足理義可悅心  
縑緗可娛日  
宇內俯仰寬高飛  
恣黃鵠塊然此形骸  
胡爲苦偏促  
蜉蝣感此生  
滄海渺一粟  
霜冷楓林凋  
春回百草綠  
靜悟造化心  
東窗朗朝旭

庭前有荆樹  
結根固且深  
交柯託庇蔭  
敢畏風霜侵  
菽水不成歡  
悠悠蓼莪心  
含飴慰皓首  
植此蘭森森  
撫育

青山詩選卷五

八

一何瘁反哺慕微禽  
道義結心契  
肯爲顏善柔  
素誼重規勸  
車笠自相投  
每當風雨夕  
坐對意綢繆  
摘我寒圃蔬  
治廚供盤羞  
羞情以

淡彌永興至發清謳  
晏嬰久而敬此意宜推求  
抱甕灌吾園  
惟求守其拙  
嗟彼熟機械  
偵人施詭譎  
捕蟬肆螳螂  
焉知雀心悅  
器滿則易傾  
鐔剛卒摧折  
前路多崎嶇  
勿蹈覆車轍  
履安當思危  
保身尙明哲

明月有盈虧  
水流別涇渭  
囂囂畎畝中  
自修在良貴  
疏食具眞樂  
膏粱薄其味  
車馬赴京華  
風沙坦無畏  
書上

說不行表做徒短氣何如達觀人欲然藐韓魏偃息托  
空山琴歌自怡慰

冬夜懷友

獨酌悵無儔停杯坐幽默夜闌燈影寒風緊雲光黑當  
風絡緯鳴軋軋隣機織徘徊步階除徒倚軒牖北破寂  
強揮絃情鬱音掩抑榛苓繫遠思神往東山側

懷姜雲門

唐棣競春華芳草媚幽谷微飈林末來泠泠動修竹丹  
鳳鳴高岡響震鈞天曲矯矯喬木姿翹然出塵俗清芬  
挹蕙蘭壯志低鴻鵠時運際迤邐道途何踏跼日夕發

青山詩選卷五

九

狂歌輕煙漫平麓

述懷

人生命爲士匪徒事丹鉛文藝務猶後器識在所先俗  
儒守章句意見良不然銅蠡測海斑管務窺天嗟彼  
駑駘質鉅任烏能肩爲山勿虧箕掘井須及泉策躬勵  
壯志懋修景前賢

舜跖各有營雞鳴攬衣起利善界毫釐差失距千里翟  
回朝歌車乙控射天矢厥初性本純途分遂異履我儀  
姬德尊緝熙能敬止

昭昭弗信節冥冥防墮行卓哉遠瑗心道明而誼正羣

蟻附餘羶狡獸納陷筭罔念卻爲狂作德斯入聖用是  
達觀人居易以俟命

思危若臨淵遵軌凜馭朽素誼亦求全萋斐憎多口詭  
遇矜獲禽王良心獨醜胡爲吮癰徒候門競奔走柳下  
雖和光不變平生守

末俗尙奢華變本日加厲大造權衡平暴殄觸所忌角  
富嗤愷崇千金纖芥棄注滿器必傾盡妍花易萎反覆  
理相尋物盛後難繼悠悠太古風汗樽奉時祭

采薪困買臣飯牛歌甯戚歧路泣英雄皇皇靡所適風  
鑑漂母精一飯王孫德感此中懷傷愧乏范舟麥慷慨

青山詩選卷五

十

慕指困含情空脈脈

陶公勤運甓湯盤銘日新古人重偉業居諸戒因循情  
農不力穡胡取三百困賈生富經術董子參天人困學  
亦上達勉旃此寸陰

太和樓同人暢飲放歌

楊花撲面微風吹翩翩春服行倭遲鳥語泉聲盡天籟  
人生行樂須及時太和樓頭訪舊友倒屣相迎開笑口  
戰罷盧仝雪盃茶飲取劉伶金珀酒興酣耳熱發浩歌  
羣仙振袂齊拍手醉夢恍惚遊蓬壺丹竈排列瓊筵鋪  
浮邱老翁飄鶴髮靦面噓我爲凡夫袖中探取黃金粒

云是寶物人間無服食塵緣得解脫道書一卷毋操觚  
我聞斯語動長嘆英雄奔競顏空汗韓侯菹醢抱煩寃  
馬援麟閣無褒讚妄哉漢武求長生一朝富貴雲飄散  
座中摩詰最風流十指拂拂湘蘭抽是日晴哉  
先生畫蘭拍案同  
呼妙手筆黑甜驚醒風蕭颺起倚長廊一吁嘯明月高  
出東山頭

苦雨行

已酉初夏月閏四層雲翳空驟雨至廊檐傾注如翻盆  
水深三尺湧平地滂沱暮暮復朝朝乍微乍巨珠亂跳  
怒雷無聲黑霧重蛟螭突起山之坳揚波泛濫成巨海

青山詩選卷五

十一

傍溪廬舍皆流漂躡屐登山一凝眺隄柳露杪波中搖  
崇朝水落平原出慘淡莫覩徑寸苗繼此猶復雨不止  
嗚咽吞聲滿隣里往來徑絕梁磴傾炊無束薪市無米  
囊中餓梁探索空嗷嗷啼飢悲赤子日光黯滅五旬餘  
霽後雨聲猶在耳

夏日訪柳坡於桑林館舍

藤蘿沿古砌桑柘蔭虛堂地僻客心靜泉清茗盃香微  
風流鳥語幽檻撲嵐光促膝不知永歸途已夕陽

夜坐對月兼懷姚石村

茅檐雪未盡對月坐庭除中夜爐煙冷長天星影疎客

醒鄉國夢雁斷海陵書何日還孤棹開樽話徹廬

石樸山房夜話

朔風吹靜夜池水湛冰花煨芋寒爐燼銜杯落月斜亂  
鴉棲凍樹斷雁唳平沙自笑踈狂甚蹉跎感歲華

讀樓山堂集有感

正氣凌霄漢樓山自古今難忘是君國不負此身心落  
日沈滄海悲風泣故林感時懷亮節捲卷發哀吟

九日偕同人遊虛山洞

古徑葉初下名山客自遊探奇穿古洞長嘯倚巖頭細  
水不聞響黃花獨笑秋此閒天地別何用覓丹邱

青山詩選卷五

三

贈別曹午峰先生

亦知多後會此際總傷神鳥散一庭樹花飛滿地春暮  
雲歸遠岫新月挂前津悵望情無極微風蕩綠蘋

懷清堂與紫巖話舊

晴漲含虛閣清陰繞曲廊偶然來舊徑相對話斜陽晝  
永殘花落風高古柏香此閒會立雪回首感流光

羅刹磯弔黃文貞公

朔風獵獵捲蜚弧瓜步連檣萬騎呼飛燕竟能巢北闕  
騎鯨不復入南都波濤激烈江聲慘蘆荻蕭疎月影孤  
爲弔忠魂重回首長陵雲樹已模糊

紫巖偕同人燕集小軒依韻卻寄

掃除花徑闢蓬門徐孺風流倒屣迎賸有閒情觀冷煖  
好從明月悟虧盈羲皇陶令幽懷繫蝴蝶莊生幻夢成  
忙理絲綸學垂釣贏他彈鋏尙無聲

夏日訪芝田於桐西閣歸賦

雙扉晝掩曲池東檻外清陰落翠桐蕙墨濡三尺畫  
藕花香送一簾風光陰荏苒謳歌裏人物興衰感慨中  
閒坐草堂頻悵望夕陽穿透樹玲瓏

方蘭溪寄詩問訊作此還答

長天新雁忽排空徙倚虛欄返照紅白下笙歌秋夜月

青山詩選卷五

三

建安文字繡屏風清礎淒切疎林外古劒摩挲薄醉中  
何日浣花溪上集蕭蕭梧葉話離衷

秋夜

寒林蕭瑟莽黃埃五夜銜杯蠟炬灰清議有人參廟社  
仙緣何處覓蓬萊江頭月落悲笳起塞外風高畫角哀  
記得籌邊營細柳鑾輿曾爲犒師來

烈烈烽煙逼四郊漫期戰士挂征袍中流已斷橫江鎖  
匹練空揮列陣刀衰草白迷三楚雨怒風寒捲九秋濤  
而今悲悼成何益應悔亡羊未補牢

豈無設險等秦關韜略何如聚米山天際貔貅原赫赫

幕中鵝鶴自閒閒漢家久誤和戎策  
殷華翻成畔國頑  
爲憶凌煙諸上將勤王當日恥生還  
石城戍鼓動悲風萬井都歸浩劫中  
不盡衣冠憐委土  
可堪兒女竟從戎關山遠窻移巢燕  
壁壘驚過避繳鴻  
搔首南天一惆悵沾襟涕淚幾人同

劉

曉山著有  
友蘭詩鈔

白筇歸途作

晚風就歸途逶迤出幽谷連巖覺道窮  
峰迴蹊轉曲石  
激水潺湲巖煙下古木飛鴻沒遠天  
夕陽入影獨

竹軒與晴峩松泉話舊

青山詩選卷五

古

秋水念伊人玉音懷空谷蹊徑步雲深  
幽棲露茅屋曲  
澗度微風蕭疏響檐竹山色擁平欄  
悠悠絕塵俗乘興  
時來過歡然話素蓄

冬初紫巖招集太和山館

遙山澹夕暉招朋閒步款入谷披煙霞  
雲深蹊忽轉登  
樓一笑逢羣仙列坐滿樽酒傾素懷  
挑燈展緗卷歡談  
興未闌寒雞催漏短殘月墮空林  
歸路霜花踐

送伯兄之桐城

危岑日初上驅車就古道執手爲徘徊  
堤柳何裊裊流  
水咽寒波涼風搖露草  
睽念長征人風塵容易老  
歡樂

莫忘歸飛雁感懷抱

種蕉軒偕晴峩芝田夜集

日暮嵐氣清寒山淡月影檠軸念伊人攜朋度前嶺關  
門一笑逢砌菊幽香靜醇醪傾數觴懽醉忘夕永曙色  
透疏林霜花散清景

苦寒行

天地慘無色朔風鳴正悲萬木湧濤聲石走沙驚飛凜  
冽面如割霏霏兩尺雪長河凍不流嶒峻水生骨出門  
斧堅冰蹠躩防傾跌谿口何蕭蕭敝裘冷如鐵丈夫氣  
不雄中懷多鬱結安得陽和回春風鼓怡悅

青山詩選卷五

五

送姚石村之廣陵

振策自茲去那堪離別愁人隨沙岸遠雁渡海門秋落  
木荒村路寒潮獨夜舟還憐故鄉月相送廣陵遊

贈曹午峰先生

攜手河梁後長堤細草生寒燈蕉館雨流水筇坡情樹  
影搖天碧嵐光入檻青林泉高臥穩豺虎任縱橫

遊楓谷

石澗微風度悠然物外心偶來黃葉徑涼月照空林谷  
靜泉流響山深雲影沈紅塵飛不到閒坐發高吟

與友人登天門山

蒼藤盤絕徑峭壁聳晴空直向天門上翻疑雲路通虎  
蹲苔磴綠雁掠夕陽紅徙倚松林下秋聲萬壑風

冬夜紫巖招集

風送尺書至寒宵冒雨來路隨溪水轉雲向畫樓開燈  
影淡簾幙爐香入酒杯高談不知曙山鳥喚人回

春日訪紫巖

簾捲青山落案前春風一榻便開筵瓊樓酣醉杯中月  
芳草輕籠雨後煙荆棘滿園愁入目豺狼梗道感經年  
琪園千樹蟠桃熟可許驂鸞試醴泉

曹柳坡寄詩問訊依韻卻寄

青山詩選卷五

十六

悲笳聲徹五更鐘戰壘飛霜上劔峰南國妖氛霾日月  
江天瘴癘困蛟龍青山悵望詩情遠紅葉飄零酒意濃  
憶得秋風籬畔路黃花一笑忽相逢

劉崇禮

紫巖著有梧  
竹山房詩集

雜感

圓靈爲眾父柔祇爲眾母芸芸生其閒戴履忘高厚所  
賴君子心幾希存固有沃葉貴培根植良因惡莠姬尼  
道德尊降衷全稟受所以百世下榮名常不朽

庭前有椿樹秉質固且堅晨夕切瞻仰枝葉翩翩俯  
蔭一何廣古色彌蒼然但恐風霜侵撫樹時流連眷茲

百尺枝松柏同延年

朔風颯然至雁侶高天翔一雁折淮水羣雁聲慘傷矧復逢矰繳紛飛不成行嗷嗷滿中澤感此涕沾裳

鳥鳴胡嚶嚶出谷爲求友相彼鳥且然直諒誼貴厚子生好結納相期敬能久風雨歡同羣澹泊一樽酒愛眾而親仁嘉言銘座右

烏輪遞寒暑免魄迭盈虧人生貴知命鬱鬱竟何爲獻璞足反別陳策心空悲藐彼巢幕烏朝安而夕危何如衡泌閒蕭然獨棲遲

冬日喜汪柳坡姚石村北窗家晴峩曉山博齋松

青山詩選卷五

十七

泉芝田諸君見訪於太和山館

靜境託深山山泉聲繞茅屋徙倚時登樓窗閣接林麓觸景感遙情晚香吐寒菊何幸故人來慰我望雲目別久話彌長水清茗益馥珠玉貯吟囊終夜凝絲竹虛欄秉燭遊高談傾素蓄寒雞動遠村松窗燈影綠放歌殊歡娛聞警忽悲哭破曉各紛飛迢迢轉谿谷

冬晴

寒雨苦連旬深谷雲堆墨倏忽風作霜曉天見澄碧陽烏銜遠峰漸次見全璧暖氣散平臯袍敝如衣帛木墮山氣清水落溪石出烏桕繞屋垂彷彿梅花白

家晴峩先生寄詩見懷奉答

名山游翠螺昂首見梧櫟材大根柢深有如壯士雅窮  
經卅年餘絃誦厲春夏偉詞追庾陶高文學董賈毫素  
寄幽情天機時傾瀉荒徑接芳蹤懽聲溢原野一宿出  
重雲懷想猶縈惹邇復錫瑤箋遙情繫駑馬轉念鹿門  
翁優遊在松下松竹結爲鄰對酒綠盈筓不日理歸裝  
沿溪尋隱者欲濟先問津容否入蓮社

山雪

朔風連夜寒漫空飛玉屑游目啟重幃皓岫滿窗列林  
木綴瓊瑤孤松凌晚節采樵不見人斤響凍雲折

古栢行

青山詩選卷五

六

舍人書屋前池上有古栢二一直一曲相傳明  
萬歷時先大夫承一公由粵東載歸植此交柯  
接幹古色蒼然撫樹盤桓長懷手澤作歌誌之  
洪鈞孕物必有偶二栢森森植池右池上茂林修竹多  
眾卉無如此栢久深根密葉互相持翠蓋高張橫數畝  
俯臨波際走游魚月夕風晨作龍吼手澤聞自先人貽  
顛末由來談白叟粵東致仕鎮歸舟嘉樹親栽世相守  
怪哉古狀判曲直盤錯未必關人力造物生生素不侔  
屈伸屢變殊難測靈雀巢巔厯歲月蚍蜉雖撼質未蝕

朝朝瞻仰習爲常過客時看驚絕特皮如古鐵色青銅  
品題幾染前賢墨我聞錦石巖頭多異材珊瑚洲中產  
文壁當時胡不采其珍薄宦歸裝只此物君不見會稽  
太守位當遷祖餞臨行選一錢又不聞鬱林太守勵精  
白歸路輕船載巨石先公鑑此志彌端臨風倚杖時盤  
桓勵節意存不言表世世畱心在歲寒

長歌行寄曹肖巖

黃沙漫漫天地昏黑狐跳躑元狐奔世變頻年益加厲  
新鬼舊鬼號荒村九月秋山木葉脫攜朋遠訪幽人宅  
楓林簫管桂圍觴十朝拌醉平原客宏溪判袂策歸鞍

青山詩選卷五

十九

淒風苦雨摧心肝崇崗峻嶺路迴轉一鷗盤入愁雲端  
歸來擬把閒愁賦索遍枯腸希妙句無端鼙鼓撼江城  
逼入深山最深處君時傳經笥水濱倉皇誰顧客中身  
有家相距百餘里欲歸不得尋故人到門握手同一哭  
凍徹肌膚餒在腹呼兒煖酒然束薪兩鬢飛霜猶肅肅  
自言風鶴來殘更鐵騎雜蹋刀鎗鳴嗁孛老稚各奔竄  
深閨繡幕皆戎兵我聞此語毛髮立剛腸摧裂神魂傾  
畱君慰君君意慘風物凋殘驚歲晚臨歧忍淚遽分飛  
四顧冰花皓平坂知君入室愁更愁琴書狼藉無人收  
孤燈兀坐不成寐更寒月黑風啾啾我發長歌沾斗酒

歌中微意君知否興衰治亂運循環丈夫立身重操守  
君不聞寇至寇退總無驚曾子當年居武城又不聞負  
芻之禍未有與羣疑頓釋沈猶氏

寶勝寺

西風號不斷古寺隱荒涼偶立靈巖下時聞柏子香  
客心清澗水仙梵出雲房靜讀豐碑罷空林蕩夕陽

曉度銅山嶺

長天開曙色峻嶺散朝霞與客夜遊罷遙歸雲外家  
振衣經石角滿地著霜花偶立荒亭畔峰峰見九華

輓江中丞岷樵先生

見說淮南陷軍書斷捷音時危梁木壞天黯大星沈  
飽飲豺狼血難摧鐵石心騎箕遽歸去野哭動蒼黔

乾明寺

野外秋先到空門客慣臨一林紅葉老半榻白雲深  
佛鑄前朝鐵鐘鏗太古音上方留憩久夕照淡遙岑

雨後

一雨滌新暑涼颺蹴樹過雲開山露骨水集澗生波  
棲鳥啄林果鳴蛙上野簑偶然聽牧笛閒唱飯牛歌

寄懷曹午峰

春去林花落懷人倚石欄自從知己去方覺愛才難  
老

鳳歸喬嶽孤松蔭舊壇每過心遠室撫樹幾盤桓  
九日偕友遊虛山適曹君留讌

疏雨捲空碧微風聞菊香穿林來逸叟送酒作重陽  
苔淺石痕瘦洞深燈影涼何年闢異境倚立悵茫茫

登宏溪塔

一塔摩霄漢登臨欲到天花霏梅塢雪鳥沒竹塘煙  
何日騎孤鶴披雲訪謫仙茫茫塵世感俯仰獨淒然

夜宿巢松樓留贈家石田弟

山缺一樓峙松風時蕩搖偶來聯夜話彷彿臥雲霄  
窗竹雨微歇林花香暗飄此閒容寄隱簔笠伴漁樵

青山詩選卷五

五

杏花村弔郎趙客先生

曾聞高躅此棲遲勝地閒遊動客思草色自青人去後  
花開偏值我來時最憐雲物都成夢不盡風流賴有詩  
惆悵芳徽渺何處垂楊漠漠雨絲絲

春興

八年鼙鼓震江沱一卷詩篇臥薜蘿林外雨過啼鳥倦  
山前春去落花多瓊樓仙夢曾酣醉亂世名流半輒軻  
擬挂風帆辭故國放懷天地發悲歌

謝芝田弟贈天竺國藏香

一枝蘇合蕪松雲萬疊晴波蕩九眞寶物遙頒金佛手

奇芬遍襲玉樓人琴橫雪檻風初定夢醒瑤階月倍親  
靜對果然饒異味從知香火有前因  
寄友  
萬峰深處隱樓臺伏櫪驂駟志未灰洞口白雲每孤往  
籬邊黃菊爲誰開攜壺擬踐遊山約蠟屐還期舊雨來  
莫負重陽好時節登高相待到蓬萊

喜友見訪歸後賦寄

空林瑟瑟片雲橫采蕨歸來一笑迎陸地羣仙披鶴氅  
寒宵長語亂雞聲孤梅料峭香幽館細雨蕭疏冷暮程  
知否山前人去後倚樓聞雁不勝情

青山詩選卷五

五

冬日本懷桂丹盟先生

江城鼙鼓撼殘年愁絕芝叢老謫仙持重封疆曾畫策  
評章風月早歸田壩篋高調窺前古天地中聲譜大絃  
我同人倫景冠冕千秋雅業著詩篇

雜詩

凱歌望不過西郊壯士羞披舊戰袍師直豈無張膽將  
頭環轉愧鎮營刀江湖鎖斷帆奔湧刁斗更深風怒號  
籌畫倘教帷幄密監軍何必太持牢

鼓角聲淒雲滿天倉皇無地不謀遷血流道路迷紅樹  
日落河山隱黑煙野哭幾經聞戍外妖氛猶自繞江邊

可憐南北紛紛後徹夜何曾安枕眠

月夜懷姜雲門

一綫雲飛亂石巔九華山色隱遙天落花滿地春將暮  
清夜懷人月正圓詩寄深愁無淺語家餘大被羨同眠  
憶從蕉館分襟後彈指於今已二年

東方蘭溪

翩翩早雁過汀洲情緒無聊倚小樓多少離懷書不盡  
淡雲微雨一天秋

送友之皖城

風沙浩渺馬悲鳴此日何堪賦遠行莫向大觀亭上望

青山詩選卷五

三

江流不似舊時平

贈沈雷陽先生

訪舊遙攜海角經秋風同話別離情年來世路多荆棘  
珍重芒鞋莫遠行

滴翠巖

子規啼破綠蘿煙管領春風坐石巔一自品題人去後  
空巖晴翠滴年年

青山詩選卷五

終

青山詩選卷六

劉

湘 松泉著有石  
璞山房詩鈔

古詩

美玉出岷岡琢磨乃成器良工技未施質與砮砮類浮  
石製磬宜音聲發清粹

伐木充爲薪恤此蔥龍枝翹然長萌櫟欲斲還遲遲倘  
踰數十年梁棟詎難爲君看百尺松栽培閱幾時

雜詩

燭火黯餘光寒雲障明月兀坐起開扉舉趾防顛蹶行  
行欲何之黝然人影滅萬木湧風濤悲聲四邊發

青山詩選卷六

一

猛虎伏叢林馴然隱穴窟獵人利其皮援弓相逐迫力  
弱不能勝轉恐罹險阨一夫身命微孤注亦奚惜莫遣  
來市中居人憚奔突

利劒不自刺運動須人持塊然弗知用具此將何爲所  
贈非烈士拔擊身其危光芒毋自炫藏之以待時

夜坐

寒夜坐幽齋庭空下月影水色滿階除翻照四壁靜萬  
籟此寂寂黯然風露冷棲鳥一無驚默對發深省

雜感

太初神運開儀象從茲出離光與室舒夜隱而晝戢禽

鳥翔高林介鱗潛卑溼物從性所安士務志所急背榮  
甘巖棲汲名羨朝立顯晦雖殊途貴賤理則一叢桂乏  
春華夭桃讓秋實省時良不違律身庶無失俯仰寰宇  
閒叩心空默默

遇仙行

君不聞淮南藩邸來八公丹成把臂昇雲中又不聞王  
質觀棋歲月古枰收歸去爛柯斧靈真蹤跡非渺茫把  
蓋高談色飛舞精廬昔構峨嵋巔朝朝手握逍遙篇員  
嶠追尋九洲外藥爐煅煉三千年蒼龍威鳳不得控仰  
天空作白雲夢無端放鶴來滄洲五雲深鎖華陽洞青  
童導引朝玉眞星冠霞佩驂騏驎隸名紫錄授祕笈碧  
桃萬樹瑤台春瓊漿飲罷嗒然醉鈞天樂闋蟾光墜蒼  
茫碧海飛雙鳧秋濤滿地來松吹

遊銅山寺

名山自今古蕭寺各西東遊客攜朋至高僧一笑逢泉  
聲穿石隙鶴影度雲峰夕照歸樵亂花宮動晚鐘

九日遊虛山

洞口渾無地巖頭別有天秋風送遊客霽月照開筵酒  
醉黃花節詩題紅葉箋上方留憩久清興倍悠然

歸自橫溪

微風散林末遊客動歸思一徑穿雲出千山夾道馳馬  
嘶秋草白人影夕陽遲幾樹丹楓裏羣鴉噪晚枝

秋日登天門山

奇峰壁立聳晴空萬壑霜侵木葉紅絕頂風高塵世外  
遙天霞簇夕陽中南疆戰壘橫雲陣北極軍書斷塞鴻  
欲向上清搔首問蒼煙漠漠路難通

贈俠客

風雲辟易凜虬鬚恩怨分明祇屬鏤豪氣縱橫天下小  
壯懷生死此身俱偶然屠狗來燕市不肯攀龍達  
帝衢爲問經年行腳地沈寃雪盡世閒無

登樓

戎馬驕嘶徹晚風憑欄咄咄自書空江城寂寞橫雲黑  
關塞蕭條落日紅末策無緣紆絳闕窮途有淚哭蒼穹  
依依猶自思飛將爲立南征血戰功

劉瑞芬

芝田著有養雲山莊詩集

滴翠巖

故邱多好山三載未歸省秋浦今迴車理策躋翠屏巔  
劣攢高青委紆纒盤纒導迹入煙蘿恂惚逢異景幽壑  
勢如誘崖傾樹倒挺花明露猶泣鳥語林逾靜矧當宿  
霧收空翠侵衣冷憩茲心迹清俯瞰澄潭影輕颺時一

來餐勝忘坐永

江行

采石晨理棹暮抵銅官城長風布帆飽逐浪夷猶行洪  
流竟逆涉歷險神無驚推篷眺天末雲水相與平餘霞  
媚澄霽一髮遙山橫寒渚暝色起絕岸孤煙生扣舷發  
清嘯皎皎秋月明

桐西閣夜坐

園林暮色澄開櫺坐虛敞逆俗心迹閒窺簾月華朗偶  
持南華經流觀恣偃仰攝生理無違元根託優養汎觴  
聊寄歡山泉動清響繞檻梅已花寒香入幽幌

青山詩選卷六

四

送姚石村赴海陵

禽鳥呼其羣繞樹相翱翔良友忽遠適中心愴以傷握  
手城東隅征馬立徬徨徬徨亦何爲道路悠且長繁霜  
迫歲暮朔風號枯桑仰視天宇寥浮雲何茫茫懽宴會  
有期履慎毋相忘

訪春岳

驅車歷寒坳青煙蔽林表澄澗漾斜光涼飈盪叢筱華  
西夙心期構宇棲雲縹委懷在竹素鍵戶恣幽討騁修  
尋陸槃秋階葉未掃握手罄平生飛觴各窈窕懽艾顧  
來徑峰高朗月小

暑夜

夕永不能寐起倚東軒檻涼颼蕩幽幌炯炯階月明遙  
睇斜漢流天宇寥以清紛喧亦已息壁蟲先秋鳴悠然  
得所憩清歌怡素情

遊天馬峰

雙峰峭如削雲木簇蔥靄遠岫含夕暉隔林明耿耿選  
勝動素情逶迤陟煙嶺窈窕歷陰崖僂穿苦篁蔭密  
棧欲迷石隙趾屢窘絕壁綠蒼籐天梯接長綆捫險達  
層巔縹緲觸奇境荒荒雲盪胸松磴落清影碎籟敲涼  
颼飛泉鳴玉軫危巒趣已窮別徑旋復引蘭若在前岑

青山詩選卷六

五

隱現佛燈靜扣關餉黃獨徘徊各懷騁霧散流素華山  
空磬聲冷

汪柳坡有遠行賦贈

矯矯雙黃鵠凌風晨飛翔之子遠行役驅車辭故鄉嚴  
霜被原野遠道經太行太行何崔嵬夾路啼虎狼豈不  
誠艱辛安居未敢違揮手別所親仗劍何慨慷丈夫貴  
榮名歧途無愴傷

雜感

泰元媼神運悠悠嬗暑寒予生欣有託竹素恣博觀冀  
心汲修綆遣興弄柔翰姬尼迄莊屈鍵戶智已殫勉旃

日新志無貽棄并歎南溟有六翮青霄會扶搏  
蜉蝣粲其榮曜朝難顧夕曷爲叔季情憤憤爭悅懌吉  
光千金羽土芥棄廣陌唾珍豔其妖顛倒今勝昔毋爲  
尤楚侯則足麾和璧

蠹啄極其微卒令梁柱朽蟲芒非利錐能使牛羊走一  
士厲廉隅諳諳憎多口鴨吻嚇鷓鴣醯雞知甕甌濤險  
涉如夷飽聽鯨鼉吼器緣欹則傾海以寬能受沃焦自  
古今奚損尾閭厚

晨矚青桑林曉曉葺牖戶微禽尙知機綢繆防未雨矧  
當荆棘生飛蕘化焦土帶甲方縱橫零雨憂破斧猶息

青山詩選卷六

六

惡木陰鍛羽徒自悔鴻鶴高天翔繒繳安敢取  
惡死常人情妄想五內熱導引談長生黃冠侶紛結五  
色鍊石脂胎息參丹訣洪浮成夢思安羨夙心折青冥  
罡風適銀宮竟安設羿妻奔廣寒毋乃齊諧譎淮南遇  
八公蛻昇恣幻說龜鶴年可期沙邱曷崩裂

束髮受書史意氣凌洪蒼積學志鄒魯明性希周張泰  
岱力能陟欲濟川無梁康莊詎不遠窒足多迷陽仲舒  
策空挾甯戚歌徒傷究道樂躬耕隆中人徜徉

鴻毛少順風濟世無尺柄味道守其真窮達基以正集  
義乃起衰積善詎祈慶吉凶復奚疑居易以俟命詩蔽

思無邪禮主母不敬景光慎自愛不息斯人聖

晤姚石村

幽林構精舍澹然抱孤清伊人肯惠顧啟閤爭歡迎青  
琴一朝撫絃紗宣平生羨子湖海姿詠發千載鏗相對  
氣醅穆令予煩塵輕苑柳綠窺牖砌花芳襲程靜契適  
真性颯爽增吟情其如日色促難遣歸懷盈臨風久伫  
立高樹疏蟬鳴

春日雜感

羣山擁蔥翠煙青覆林屋眾芳何歲黹映蔚紛綠縟競  
冶徒朝榮綴華但媚俗感此念平生幻態無異局虛譽  
胡足營塵網多翻覆縱帆赴滄溟颯怒難轉舳駮駟耀  
金羈轅下終躊躇何如歸其愚抱璞韞岷玉緬彼蘭蕙  
姿幽香滿空谷

春望

迥野淑氣融東風生眾綠曦影烘遲遲野芳噴芬馥暖  
翠發遠岫絢熨紛藻縟輕颺嗚委徐鳥聲散林木日涉  
已成趣餐勝苦未足延伫暢煩襟亭皋恣麗矚

秋日家晴峨先生軒中與汪柳坡姚石村姚北窗

小集

青山俯虛檐長廊翳深竹朗旭光難侵影漾一庭綠已

足豁煩襟况復接芳躅歆榻窺縑緗追懼恐日促濯鏹  
煮清泉澗芳襲輕袖坐永遲吟懷疏雨響巖麓

冬夜懷汪柳坡叔松泉

蘭蕙何青青芳澤襲我裳採擷不盈把眷焉心愴傷感  
此懷故人中宵立徬徨締交廿餘載直道交扶襄頻年  
風雨散鴻鵠分翱翔負書遠游食仗劔從戎行豈不憚  
艱險志在澄江湘峩峩衡山高悠悠潯水長巖霜摧木  
落游子懷故鄉渺焉隔天末莽莽塵沙黃士窮節乃見  
崇修愛景光

金陵寺中觀魏鄭公象笏歌

青山詩選卷六

八

我聞蘇公寶帶留鎮金山門孰知金陵復有魏公牙笏  
龕東軒壬子新秋叩蕭寺老僧爲我開玉笏編爛古色  
方正軀背盟朱文十六字在昔貞觀政治隆公居諫議  
傾葵衷繩愆糾謬公所職主明民富公之功每披逆鱗  
上論列虬髯欲殺田舍翁毀觀斃鷓帝折服國有諍臣  
社稷福匡君堯舜扶天綱稍涉媼媯羞厚祿外庭飛謗  
公坦然深宵坐閣修諫牘是時賴汝一片忠信存其汝  
伏闕朝至尊生前相隨一十有七載附棺未得陪忠魂  
鏡亡碑踏石麟吼獨汝堅貞心不朽至今衲子猶結香  
火緣子亦摩挲不釋手台星煥彩三階平

聖人垂

棋言路清何當借汝待 禁漏農書賢頌趨 承明

丹爐歌爲姚蕙亭先生作

蝦湖詩星鬢鬢蒼圖書四壁羅縹緗平生嗜古若飲食  
拈撫漢晉窮周商有鑪寒凝暮煙紫空堂白晝騰精光  
盤螭雙環角端鈕中虛外直身巍昂坎離爻文就斑駁  
七星五嶽何焜煌金波暖浮土花碧雲雷鼓盪神風翔  
琴高丹鼎赤鯉負葛洪丹竈崆峒荒道陵羽化謝靈妙  
子明無蛻遺陵陽仙踪靈跡杳難覓誰何鑄此難推詳  
想當羣仙海上開霞觴芙蓉旌旗荷芰裳石脂五色燒  
瓊漿月闌樂闕驂鸞鳳神鑪墮落滄洲傍是耶非耶互  
鑿柄且烹蒙頂澆枯腸如斯至寶世罕有君其珍重留  
山房摩挲三復披萬卷功須九轉成徽章我爲君歌勤  
聽取急濡大筆書蕉黃歌成書就把蓋笑換鵝同泛山  
陰航

青山詩選卷六

九

讀楊升庵廿一史彈詞

君不見潮陽刺史韓昌黎海氣溼蟄長羈棲又不見潯  
陽江頭白司馬商女琵琶淚交下誰與作此游戲文一  
函四千年事歌興酣詞酸意苦讀不得新都公子楊升  
庵昔武宗朝大手筆辛未廷對公第一絳袍烏帽充經  
筵大闢禠魄黃門慄無何藩邸迎世宗逢君首惡來尊

璵大開明堂議徽號朱程正論公獨崇雷霆震怒白麻  
裂同官共灑螭頭血左順門前日色黃撼門慟哭心如  
鐵烏臺就考囚陰房孤臣萬里投蠻荒火雲瘴雨悸魂  
夢猩啼歸走堆肝腸腥臊熏蒸成白首京華望斷倚南  
斗分宜毒復梟獍張赦書斷絕隱於酒倒吹觴策發狂  
歌擁妓那得來秦娥蠻花插髻粉傅面醉中老淚揮滂  
沱焚兒猺女雜跳舞豈知此老心獨苦有家不得歸中  
原白髮飄蕭老邊土吁嗟乎有明一代正氣終衣冠毀  
裂朝右空如公博學首屈指著書百種遭奇窮吹燈掩  
卷坐太息窗松庭竹來悲風

大雪行

青山詩選卷六

十

道光辛丑冬十一月大雪五晝夜始霽積地深  
丈餘廬舍多崩圯山木凍折過半兩越月舟車  
不行作大雪行

朔風捲地石亂走漫天雪花大於手五晝五夜鱗甲飛  
玉龍酣戰颼怒吼凍雲慘淡昏不明白玉堆積高於城  
荷鋪開道指欲脫瑟縮吳鹽堆下行登樓岸幘意悵惘  
高下無從辨陵壤茫茫混混韜兩儀青峰飛去西地長  
堅冰三尺川不流水晶爲域瓊爲樓琪花瑤樹苦難狀  
但見皓皓萬里坤輿浮湮藏梁磴失阡陌行人墮足沒

頭脊東鄰西里咫尺遙封若蟻垤螿不關二句白日寒  
無光丈二冰柱凝檐廊紅爐檮柶似桂豐貂斗酒寒  
莫當咄咄怪事案屢拍垣上縱橫獸行迹嗥狐啾鹿飢  
且僵赤手搏拾日千百舟膠車陷冬逾春作羹無菽炊  
無薪我欲仰天籲滕六亟遣五丁鑿路烏伐冰噫吁嚱  
我聞童奔犬吠徧閩粵輪臺胡天飛八月又聞荆揚六  
出占年豐啟扉三白懽融融是冬毋乃太奇絕平地盈  
丈屋崩折綠蓑青笠耕秧畦猶指前峰未消雪

夜光竹根歌

沾不得隋侯照乘珠掘不起宛渠然山石大餘火玉今

青山詩選卷六

十一

時無金山石螢鮮遺迹五龍山中來野樵劇得竹根長  
一尺節羸皮裂形曲拳負薪挈歸竈下擲殘宵萬點堆  
明星冷燄熒熒照荒宅攬衣驚起忙取攜珍如東海寶  
珪碧隔宵把握傳四鄰浮光射手欺蟾魄恍如置身璧  
射湖神蚌吐珠皎如月又如清夜遊廣陵流螢萬斛寒  
侵骨飛電著壁風颼颼幽室吹燈辨毛髮野老摩挲誇  
怪奇疑是燭龍領下獲或同變晝之草生拘彌羲和火  
鞭卽是物否則靈光之豆貢日林烽火之樹獻南越珂  
傘高張不夜天得毋當時同列來庭冊詎知上稟太陰  
精千年凝結藏巖窟青藜太乙徒聞昔松肪夜燒苦不

易安得此竹化千百清輝分照青雲客

銅狻猊歌

先曾祖通議公客淮陰市有鬻銅狻猊者出金  
易之載歸里中有識古者見之謂鑄自宣德朝  
牝牡相偶此其牡也是否姑存其說作銅狻猊

歌

淮陰城東鬻古獅皮市三日無人窺紋紫彩碧光怪麗  
前代法物時罕知我先杖策入淮市解纏出金亟易之  
昇歸拂拭更剜剔罄腹焚熱旃檀宜陸用輜車水牯艦  
千里載運南山睡香榻作架黃金絡寶檻雕鏤相護持

青山詩選卷六

十一

崢嶸頭角雄蹲踠鬣鬣怒張金鬃披昂首掉尾活相現  
據地欲吼風雲馳咄咄逼人走蛟螭觀者騰沸駭且疑  
何工鑄此神乎技靈物顛末難詢諮或竝禹鼎驅魍魎  
或雜銅雀供娛嬉或鑄銅龍眾巧聚或鑄銅駝餘藝施  
或云梯山貢西域或云航海來波斯周秦漢晉厯厯擬  
管窺蝨測歧復歧就中有客排支辭百家相者猶毛皮  
傳聞製自宣德時匠求歐冶工求倮造化爲鑪神風吹  
陽牡陰牝相追隨爛爛偉麗陳丹堦供奉內廷九嬪司  
蘭宮椒殿和氣滋金麟寶鴨排參差黃巾一起鐘鼎移  
流落市井埋塵緇奈何獲雄亡其雌儲此亦足當商彝

容言滾滾如傾卮荒唐確鑿難究推先人手澤今流貽  
昂昂三尺咸珍奇永瞻香霧融春祠騰霄寶氣驚麀麒  
弄甕歌

繩樞三匝銅鉦鏘城南觀者如堵牆健兒袒臂弄巨甕  
花飛雪滾風廻翔中有女郎拂袖起羅襦錦袴花嬌似  
大言手弄何足奇腰肢結束試其技亟將木案疊四層  
輕雲冉冉身飛升紫泥金甕向空擲倒縣案角以足承  
蓮鉤弄甕目上視忽左忽右隨所使雙足齊弄若弄丸  
拋甕縮足抵甕底俄而轉甕如轆轤俄而擲甕猶跳珠  
更以一足將甕舉一足撥甕旋牀如猿攀象渡鶴梳翅  
捲旗捧印百態備抽足縱甕甕不歆疾徐高下皆如意  
翻身蹴甕騰半天眾人色沮渠嫣然團團一甕落女手  
鬢雲垂綠身翩翩吁嗟乎汝不能學公孫舞劍器錦衣  
玉貌宜春侍又不能學飛燕舞旋風掌上輕盈冠六宮  
徒然網利作錢樹飄蕩年年逐飛絮

大水行

道光戊申江左大水吾池平地深二丈明年夏  
尤大四尺許民舍漂沒無算復霖雨五旬四山  
蛟起田多崩陷禾麥不登余時里居悉池人死  
徙狀因感賦是篇

歲在己酉夏五月奔山倒海洪濤發水深二丈嗟去年  
今年水還高四尺初來蕩漾迷湖津繼則汎濫過城闈  
洶洶大波捲地起廬舍漂沒困沈淪鼈窟竄市鱈騰宅  
通都灑淼如震澤波光盪日濤掀天浮圖見頂山露脊  
顛連死徙民無家脫身水國猶蟲沙上巢下窟等昏墊  
鳩形菜色空悲嗟枵腹作炊無粒米瓜壺菽麥沈波底  
哀鴻徧野聲磬磬俯仰老稚時含涕五旬霖霖春夏交  
萬山崩裂騰惡蛟田畦潰陷禾黍偃高壤復遭瓜蔓鈔  
里有義倉拯凋瘵人多穀少事何濟是秋饑饉同荇臻  
斗米千錢胡卒歲吁嗟乎今無錢王英武略三千強弩  
射潮落又無神勇周孝侯拔刀踏浪斬蛟頭青州賑例  
分明在當事宜紓宵旰憂

食土行

己酉歲歎江以南徽池太三郡爲甚貧民無以  
生去子鄉數十里皆謂神開土倉爭往掘食土  
出凡數處青白赤異色子撮嘗之猶土也惻然  
賦此

吁嗟吾邑民食土須臾緩死充腸腑嗷嗷惡歲禾黍無  
卑者苦潮高苦雨我聞在昔遭凶荒掇摛草實餐秕穠  
藉此亦足療旦夕今胡爲者掘土倉千村萬落盡播棄

黃榆紫蕨少遺類蛙生土竈甑生塵粒米粒珠歲難澁  
馮夷暴虐天仁慈神授以土蘇羣黎負戴塞道望若織  
鷺趨鳩噎甘如飴子因撮塊徧審視赤如渥丹青若芷  
就中截肪白者良丸之噉之土猶是東家幼子朝啼飢  
三日絕粒形槁鬻搏土爲饅雜葵藿垂涎炙色情愴悽  
亦知凝滓臍腑實聊爲殘喘延時日難覓盧循續命湯  
且當仙人煑石術歸來讀史驚荒唐雨黍雨豆書不祥  
安得今秋盡雨此土可不食充稻梁吁嗟蕭條萬井鮮  
中戶胥吏催徵猶似虎

常開平王銅矛歌

青山詩選卷六

五

九華山下土人取靈珀掘出青銅矛頭長一尺陰風颺  
颯鬼啾啾古血寒凝土花碧上有籀文鈐鄂國摩挲對  
爾弔遺跡將軍昔佐明高皇摧鋒陷陣一當百軍中共  
呼常十萬生駒衝突眾辟易元軍高踞千尺磯大呼跳  
盪拔采石鄱陽鏖戰蛟龍愁火烈煙騰湖水赤橫行洛  
北收大都羈馮滿地飛沙磧戰袍紅染虜血腥旌旗色  
慘邊霜白追隨惟爾功最多南北縱橫共征伐胡爲明  
器九十俱殉鍾山傍惟爾獨遺罔珍惜鐵心一片埋黃  
塵虎氣空騰陰雨夕嗚呼卽今烽火明江頭高原草根  
纏白骨荒山夜夜啼鬼車野屋家家避戈戟安得將軍

再出統六師攜爾蕩掃豺狼窟

觀讀禮圖弔盧忠烈公

男兒三十身許國衰絰沙場哀罔極枕戈痛寫苦塊圖  
一字一淚讀不得憶昔癸酉奉詔居元戎東南保障專  
屬公四明突陣賊膽破大書牙纛名天雄公雖文士善  
騎射百發百殪無虛鏑麾軍鏖戰朱龍橋淞水不流尸  
山積旋困闖孽七頂岡剋期一戰擒封狼湖撫鄖撫盡  
豚犬失機坐使羣梟張奇功五載墮一旦訃書又復來  
鄉縣疏上不許奔親喪萬里邊牆窺乞炭遼兵夜入居  
庸關徹天烽火紅燕山畿輔洵洵輦轂震劔印三賜援

青山詩選卷六

十六

詔頒可憐躡踊氣喪面麻衣奔上奉天殿楊高主和公  
主戰讜論驚聞帝色變萬金立賜親犒軍外廷釁起兵  
權分躬提殘卒不滿萬敵營十里屯黃雲重圍三匝援  
師絕箭盡食窮心如鐵矢刃交集振臂呼淋漓熱灑戰  
場血嗚呼報親報國忠孝同尸包馬革眞善終年來賤  
子亦讀禮春暉莫報悲無窮對公此圖淚如雨乳烏原  
上啼酸風

陳生席上觀羣盲評古圖

虎頭畫人不點睛傳神直至三年成胡爲斯圖盡如是  
紛紛矇瞽宏漢京一盲負劔一攜帶侏儒小盲立花外

曲欄迴榭排青銅扛鼎兩盲形狼狽盤龍寶鴨玉蟾蜍  
三盲分執趨庭除鶴髮盲袖青鐵視肩扶稚子行紆徐  
拾階盲荷靈壽杖尾後之盲抱瓷盞彘老盲踞胡牀  
馮几數盲同鑒賞琴笏書印鐘磬孟橫陳素案侈五都  
向背俯仰暗摸索耳聆鼻嗅心規摹科頭一盲執櫻拂  
據筵傲岸矜博物口指手畫如縣河探根躡窟眾盲屈  
就中有盲惡少年辨鋒犀利驚無前一盲仰笑纓欲絕  
挈長較短行張拳璞鼠鹿馬紛雌黃或者目盲心不盲  
否則野人談天矇晝日扣槃捫燭不自量君不聞中官  
朝恩本穢俗太學高談鼎折足又不聞平章崔協震當  
時碑名沒字虛表儀君從何處得絹素如斯畫史稱獨  
步金人緘口宣聖箴辯士舌端昔賢懼捲圖大笑呼瓊  
杯小閣挑燈賦長句

鍾馗夜獵圖

鍾馗瞰鬼苦不飽餒厭鬼戒田獠終南山下振臂呼  
羣鬼懼躍威露爪虬髯按劍跨紫驢八鬼執戈爲前驅  
一鬼張蓋殿而走腰弓背劍眾鬼俱陰風颼颼寒月白  
圍場霹靂弓聲赫兔起鶻落鬼猙猛狐鼠草中皆奪魄  
裸體兩鬼刀斧揮縱犬攫狸犬振威射狼之鬼皆盡裂  
翻身逐鹿如風飛三鬼赤手搏虺虎欲瞰鬼鬼更怒

鬼虎合鬪若兩軍鬼弁揚威擊鼉鼓沙飛雲暗盤阜鵬  
控弦發矢穿層霄風毛雨血滿空際鬼伍拍手齊謹謠  
鬼卒勇敢主人喜青燈閃閃歸途駛我聞西山射虎周  
將軍生當封侯死廟祀嗟爾鬼雄徒挽千鈞弩得獸差  
免刳肢股忍飢冒險不敢辭主人腸充鬼力苦

酬芝庭贈古歛藏墨

江南自昔稱諸奚內庭龍劑超廷珪熙明殿隨劫火燼  
歷六百載名誰齊後來新安得其祕地煙合搗薰麝臍  
摹泐心經篆隸古圖繪黃海雲霞低傳流海內重光價  
文壇好事爭品題阿連癖好大類予所至滿篋磨輪蹄

青山詩選卷六

七

南歸贈我烏玉玦豹皮囊裹光離迷嗟予得此置無用  
書畫鄙俗徒裝齋年來遭亂迫奔走一枝難覓鷓鴣栖  
壯志銷磨苦兵革生計索寞虞鹽齋舊藏卷軸若性命  
往往遺棄封塵泥摩挲此墨長太息一螺點漆空爾鰲  
安得東封鏤玉牒濡染火筆如昌黎當前得失勿復計  
與君林壑相攀躋汲泉還煮白山茗碧桃當檻黃鶯啼

禹廟

標樞思前烈江頭尙古祠石鯨嘶暮雨山鬼拜靈旗洪  
水連年惡黃河故道移南邦成澤國誰爲繫支祁

山中秋夕

雲氣千峰雨松聲萬壑風我來當此夕秋意滿山中老  
木飛黃葉高天響遠鴻幽懷無著處清夜理絲桐

湘口二妃廟

帝子渺何許停橈落照西荒祠鼯鼠走暮雨鷓鴣啼峽  
冷湘雲斷波平楚樹低江頭靈瑟杳蘅芷綠萋萋

宿懷清堂懷家紫岩

峰影墮寒碧開軒獨憶君風生萬竿竹吹作滿窗雲月  
色空山冷蟲聲永夜聞壯心應不負磨石待終軍

桂丹盟先生座上喜晤檀馥園先生

何期離亂後攜手書堂前雪色驚雙鬢江城別五年放

青山詩選卷六

十九

懷黃菊酒招隱碧蘿煙道有桑麻樂躬耕南澗田

寄懷李少白參軍用元韻

長風吹斷雁蕭瑟助秋聲江月一輪滿關山萬里情牙  
琴方度曲鄉國未休兵欲泛涇溪棹茫茫煙水平

鉞魚嘴遇風

雲氣壓篷巔荒荒落日前撼山風走石捲雪浪吞天脫  
險千艘破餘生一髮縣開樽北江岸重對月輪圓

清溪

輕輿經古渡畫意滿江鄉酒舫穿紅蓼魚罾挂綠楊枕  
湖村市小繞郭野菱香最愛汀洲外青山倚夕陽

舟次蕪湖

晚色泊關口呼觴遣旅愁客心篷背雨燈影水邊樓江  
闌角聲壯山寒楓葉秋明朝風日好天際送行舟

銅山禪院

經年遭世亂習靜訪幽岑古寺藏深嶂疏鐘出遠林雲  
閒清客慮僧老定禪心徙倚仙壇上松花落滿襟  
偕桂丹盟先生汪柳坡游六子庵

古剎藏幽壑荒涼隱斷楸土花侵佛髻雲氣壓經樓瘦  
筍穿階出飛泉入戶流山僧薦瓜棗留客話滄洲

送汪柳坡之濠梁

青山詩選卷六

二

老樹朔風鳴長隄雪影橫那堪經歲暮猶復事長征鄉  
井正飢渴淮南未解兵稻粱謀倘遂莫漫阻歸程

得友人書

斷鴻低晚渡凍雨響疎林別後歲猶歉書來臘已深烽  
煙南國淚薇蕨故人心官海風波惡侯門漫苦吟

過蝦湖懷姚石村

自從君別後鄉井盡煙塵舊社浮雲散荒園草木春每  
來溪上榭無復昔時人欲向崇川去滄波寄此身

再得汪柳坡書

書來愁更切況與寸心違多難身何寄依人事總非詩

篇當歌哭家世漸衰微何日還鄉井空山老蕨薇

金陵明故宮遺址

蔣山依舊聳雲中勝國興亡此故宮北近雞鳴弓狗盡  
南飛燕啄禁樓空十傳官錦坊流穢半壁春燈曲未終  
守險貽謀成逝水離離禾黍夕陽紅

臺城懷古

內殿荷荷飲恨聲涅槃諸佛孰心忤捨身妄作西歸夢  
納叛原存北伐情玉璽四傳嗟逝水銅駝千載臥荒荆  
寒林木葉蕭蕭下日暮啼烏滿舊城

登甍樓作

青山詩選卷六

三

湖頭秋水白無涯湖外雙堤日又斜舊院不來歌舞妓  
荒臺吹滿戰場沙寒煙渡口嘶征馬衰柳城南集暮鴉  
回首芳塘倍惆悵西風開落野菱花

輓呂侍郎鶴田先生

江上鼉鼉窟已成淮南猶鎮朔方兵將軍一夜墮銅壁  
戰壘連雲拔漢旌殘井強聯紆末策雄師坐視失孤城  
捐軀愧彼私輸款芹藻香生水一泓

公殉難舒城學宮泮池

烏江項王墓

拔山蓋世竟誰侔晝錦翻教笑沐猴朋友至情捐俎饌  
英雄失計割鴻溝離心已兆咸陽火末路還辭亭長舟

遺恨江東形勝地夕陽衰草故陵秋

偕汪柳坡姚石村登天臺峰

飛磴千盤踏綠苔蒼煙疊疊萬峰開下方雲氣蒸成雨  
天外江聲走似雷掛樹飢猿啼石壑銜花野鹿上經臺  
狂歌高坐蓬萊頂細數芙蓉把酒杯

慧空上人將游匡廬衡岳詩以送之

好把詩瓢拄杖頭飄然碧落作雲遊峰頭鐵笛招黃鶴  
湖上花枝伴白鷗無術可偕摩詰隱有家空惹大顛愁  
西郊舊事今休問滿目烽煙野戍秋

宿家紫岩山齋

青山詩選卷六

五

金門山下數經過攜手尊前發浩歌溪水上階秋意早  
芭蕉遮檻雨聲多百城坐擁成高尚五岳遊歸奈老何  
還羨碧蓮香世界仙龕供養病維摩

百牙山

城東攬古不勝愁碧玉樓空浦水流戎馬縱橫仍故國  
湖山蕭瑟又新秋石麟偃草荒煙鎖菰米沈雲夕照收  
舊事那堪回首望西風畫角滿滄洲

過家子安先生隱居

一樹蒼松一小齋竹牀茶竈巧安排青山已許十年隱  
白酒能消千古懷橘井半分仙吏種蘆簾還羨孟光偕

年來大有逍遙處歸隱南山日夕佳

對菊

疎籬依舊枕溪流鼙鼓山前尚未休  
白社彫零知己少黃花孤負故園秋  
荒村落日煙三徑草閣新寒酒一甌  
況復明朝是重九登高誰到五峰頭

晴峩先生新除小閣招集閣中分得曹字

千峰擁檻綠週遭高臥元龍氣自豪  
半榻涼雲眠竹影一鐙明月煮松濤  
詩刪別派參狐史酒鬪奇兵扼虎牢  
還種梅花三百樹春風多處坐吾曹

桐西閣感舊

青山詩選卷六

三

刺桐花發晝沈沈碧甕香浮鳥勸斟  
春暖更兼三月閏客歸難繫五湖心  
蘇臺銀甲彈箏夜梁苑金燈倚劔吟  
卻憶小園親手植榕青榭綠已成陰

博齋叔寄詩問訊依韻卻寄

雲海高翔迥絕塵每因龍劔憶延津  
五年江館分聽雨兩地風花共惜春  
謝朓青山成小隱子京紅杏本詩人  
洛中舊侶頻回首同是皋比立雪身  
南莊寂寞夜猿驚梧葉蕭蕭漢水明  
落月楓林勞遠夢秋風蕪菜動鄉情  
自交公瑾醅醪醉久別黃卿鄙吝生  
獨挾金樽望牛斗海天吹斷玉簫聲

清明家晴峩先生招游螺山以病未往次韻以報  
無花無酒難爲客好雨好風空復情況是山中新臥病  
不堪今日又清明故園慘慘黃塵斷此老蕭蕭白髮生  
未識前年共游處巖頭曾聽洞簫聲

蓉城禪院晤姜雲門兼訊周瑯環

畫角聲悽雁陣收烽煙千里接深秋相逢暮雨黃花驛  
夜話寒山野寺樓西塞軍猶屯舊壘東林人競指清流  
莫言擊柝無同志江畔殷殷說故俟

章曼卿先生冒雪過予言別賦贈

舊題黃海千尋石又踏青山十里雲誰識荒村苦寒夜  
漫天風雪更逢君烹魚共飲漢江酒策馬將從河北軍  
此別吟情應更健楊雄已賦逐貧文

山居

移家小住綠雲關戶外行雲自往還睡足午窗聽啼鳥  
晚來野郭看青山相攜尊酒形骸外聊復歌吟水石閒  
萬事不關成獨笑兩年容我占清閒

滄浪亭故址

寒林瑟瑟響空廊游客魂銷戰馬場宋殿已隨塵劫換  
大雲無主講臺荒斷碑和雨埋秋草野鳥隔花啼夕陽  
載酒臨風莫辭醉濯纓何處問滄浪

訪南林逸叟不值

夕陽明翠嶺雲外散清磬採藥人未歸松花滿蘿徑  
庭晚

日暮微風生竹影弄檐缺凍雀啄寒梅香墮階前雪  
聽泉山館

開鑪煮清泉石磻坐相對松林風偶來滿地月痕碎  
睡起

茶鼎聲清午夢回小軒臨水晝慵開野風吹起新荷影  
湖上碧雲和雨來

過徐莊

青山詩選卷六

五

一溪流水折柴扉幾樹垂楊蕩夕暉回首舊時歌舞地  
落紅如雨燕雙飛

游仙詞

閨風久別列仙家問訊齊封洞口霞姑射驂鸞向何處  
年年開落碧桃花

重向娜嬛校秘文琪花滿地路難分司閨小玉殷勤甚  
鸞尾親攜掃綠雲

玉眞清冷太無聊手摘芙蓉下絳霄屏後綠華通一笑  
銀河圓嶠兩迢迢

探得丹砂勾漏中更騎威鳳上崆峒玉京未列司符籙

羸得王喬住藥宮

陳太守岱雲先生閣中觀叔明梅鶴卷

繞屋梅花寂寂春  
瑤琴茶鼎伴吟身  
五年前上倉山頂  
曾作圖中放鶴人

新陽舟中

潮打荒城傍海湄  
一春風雨負歸期  
不因更泛胥江棹  
開到茶蘼渾不知

瓜洲雨泊

揚子江頭暮雨時  
潤州城外柳如絲  
停橈相憶人千里  
惆悵春潮夜上遲

青山詩選卷六

五

邗溝

路近蕪城隔野煙  
溶溶春水遠連天  
又從廿四橋邊過  
風起楊花滿畫船

青山詩選卷六

終

